

**1** Sajay i panshokian ni mapteng nga shamag ja maypangkep son Jesucristo ja Anak nen Apo Shiyos. **2** Insolat nan Isaya ja amemadto shi dibsho to i inkowan nen Apo Shiyos so ni Anak to. Jet say insolat to, sajay: "Mengibetkagak ni mepangdo ja an mengiremag ni totoo jey onmotok ka. Jet si-kato i mansekana ni emin na mesepol ja medeka ja para imotok mo. **3** Waray toon amankeljaw shima dogad ja enshi balebaley, jet say inkeljaw to, sajay: 'Isekana jo i emin na mesepol ja para imotok nen Apo tayo. Singpetiyo i shalan ja panakshan to.'" **4** Mimotok si Juan ja para bonjag shima dogad ja enshi balebaley, jet inkowan to i esel nen Apo Shiyos shiman, ja kowan toey "Pan-babawi kayo maypangkep ni basol jo jet bonjagan takajo, say omasen nen Apo Shiyos shi nemnem to i dingdingkayon basol!"